

瀟

碧

堂

集

瀟碧堂集卷之二

石公袁宏道中郎撰

麻城李長庚酉卿閱

詩

遊廬山初入東林雨中

窮天刻冷翠濃雨洗幽青濕雲坼西額坐見武  
昌晴遠公昔菴此蓮花漏初成巖竇列宗雷石  
梵徹天清想像醉五柳顛頽望金鐙曠心聞法  
語啼兒畏錦綳達哉遠師鑑禮法憐裸裎客兒

雖百醒不以易一醒千二百歲後白蘿無根榮  
蓮宗啟末社唐子慚道盲掬流浣塵貌寒潭吹  
古腥山僧如石瘦蓮堂空幾楹

天池寺

山以雲為郵雲窮山身見石貌呈巧心瘦妍競  
奇變暄涼隔下天葛繩易柔練一石一狂呼前  
石翻為殿萬仞瞰畸雲倏縷倏飛片撫松坐枯  
巖一徃謝塵寰

大林寺寶樹

鐵幹銅膚四十圍隔峰猶自望孫枝塗雲抹日  
空山裡曾見東林行道時

二

瘦石鱗鱗帶碧絲百盤無地不青枝人間那得  
西方種問取嘉州合眼師

題天池後嶺

往將天事問脩人碧玉蒼波妄比倫而今萬仞  
峰頭立依舊圓空掛斗辰

山中逢老僧

凝把蒼烟付老閒廿年形影不離山窓前一樹盤空老曾是天台拾子還

二

一抹青烟沉遠巒  
禪心汰得似冰寒  
閒山閒水都休却  
付與曉風衲子看

三

念珠策得定功成  
絕壑松濤夜夜行  
說與時賢都不省  
依稀記得老陽明

四

寒空日夜摩幽綠霧縠龍綃披幾束銀灣截斲  
牽牛人鞭起眠龍駕天轂帝宮酒暖澆愁春雲  
汙茫滌清渌夜寒霜重玉女驕袖裹金匣向  
地覆湘娥手挈瀟湘來雪魄雲魂鬪不足炎官  
不到落星城六月人間呵凍玉

夜卧青玉峽看月

渴虹飲石夜蛟哭寒屑霏霏麗蘚竹一灣淨月  
趁斜巒隨向龍宮寫幽獨鵠絃斷盡鐵槽平石  
韵高寒譜不足頭毛索索冒人長幾時買斷青

崖腹五更涼夢泊孤雲以手捫天如蒼玉

蕪湖舟中同范長白念公看月

夜深蕉恰帶寒澌隔水青梧辨露枝問取無心  
老衲子幾人消得幻琉璃

二

夜泉香鍛石爐紅聽盡寒松帶雪風筭取人間  
幾月子江心既面復瓶中

三

青山不改黛螺春孤閣娉婷是女神一繡秋光

半匣水人間多少熱忙人

登平山閣同江浦諸友論文

石路突寒松柔嵐被遠封白波千里舶青靉六  
朝鐘雲老蛟遷窟窓晴雨洗峰文心喻烟水吞  
吐幾重重

采石蛾眉亭

空江石壁瘦鱗鱗膩綠頽斑酣冶春掃取山光  
為黛粉儘教蕩子作仙人

二

擬將極捲作家鄉卧月橫烟夢幾場况是蛾眉  
消得先爭教白也不郎當

三

是處烟嵐掛齒唇懶將時事畧心神青山也許  
人酬價學得雲閒是主人

白門逢焦弱侯座主

十年一拜鄭康成搔首青山獨自行醒即讀書  
倦即枕不將無事換公卿

二

軸猶如水瀉瓶艸顛書盡萬梢青而今老矣  
都休却日課襍花兩卷經

侯師之水軒

架書狼藉粉蟲殘六月文紗濺水寒麾卻如花  
舊拍板茶瓶相對白蔬盤

二師之耳嘵老事西方之學

卷葉塞來多少時形言眼語亦能知白頭聞得  
無生事學把胡珠喚老師

途中懷大兄詩

十宵九入夢明明知已逝識得中陰來未審寄  
何位前者四月初恍忽上忉利光容若平昔天  
服粲遊戲伸紙與我讀奇文千餘字夢中了了  
知醒後都不記曾聞釋子言天樂稍濃膩若非  
道種深未免天色醉記兄初生時大姑玆竒瑞  
麗人曜空飛姑也承以袂苦旅思樂宅返促亦  
何異但恐冶心多減却道人氣少日念懽場鳴  
泉奔渴驥一卧三年茵肌消如寒蟬從茲稍譚  
仙習靜學觀鼻朝坐一絲香暮禪半幅被闔門

杜色聲精神轉強銳蒙莊不去手卓有出塵志  
幾年客金馬漸識宗門事乞差既里還刻苦相  
摩礪旦尋復昏披研惟空有蹄有如群嬰兒攢  
手量鵬翅突聞物格言石火掣飛燧惑魔雖暫  
殲狂使方為厲挈疑過龍湖息求而得刺一自  
直東華先鷄每戒睡日夜抱一編形神俱焦瘁  
眼澀如有沙舌乾無厚味國本既艱危臣也難  
為退余時官閑局弟也負書至每當聚首時言  
必窮幽邃毒語攻沉痾當機無廻避俱悟昔時

非馳馬歇狂轡淨侶偕數人結期向北寺下直  
即停車六時聲如沸合掌化如來白毫與青髻  
東林十八賢高舉標奇致披此塵勞衣縛人如  
鳥羈便欲脫簪綬指彼青山誓或假或休沐次  
第作歸計余也先羣飛入山選幽翠結茆四五  
間日日眄歸懺夢魂慙不及逝也一交臂嚴親  
頭觸石聚哭空里肆海內學道人千里緘酸淚  
弟也冒雪行十日走梟騎不忍見京華何況舊  
邸第寡婦一屋聲天地為陰曠立後以祈年殷

皋方小替傳聞四月終白旄出淮泗余也偕謫  
衲奔帆如雲駛念公聞我來追至潯陽際十日  
抵瓜儀南北舟相次肝腸慟一割石火迭相謂  
富貴竟何成顛毛不如蘿十載無生學劈蓮微  
見薏痛呼隔聞塵天高日西墜前者潘去華夢  
中忽見示生平四良友君家得其二賴茲切摩  
力今亦生善地信我同心人冥墨亦相締祠之  
柳浪館兄與白蘇四天上雖酷樂勉來一堅義  
破曠出精金剗却知見崇携手入蓮邦沙劫為

兄弟

戲題道士狀 小孤詩真山翻作假山看

道士名髡其顛真石壁貌假山陽戶開北面東  
流水西還采石蛾眉小姑鬟蒼瘦爭似老黃冠  
江漢手覆三廻乾古鳳遺尾青闌干

無念同余迎先伯修賦此為別

瘦石如何比老顏纔缶筋骨在人間一舟破衲  
慈明哭幾葉寒帆學士還病久思歸黃柏嶧泉  
年夢上戒壇山江西湖社頻來往學得心閒似

水閒

漢陽蕭仲子叅知山亭清話

平平數點山因水發妖倩鱗鱗萬室瓦以山增  
奇豔簷際織波紋盜裡落霞片風檣對岸出人  
影隔江見是日雲態繁薄陰與晴戰漏光纈水  
花淨眼生微煦三山五湖舫只此大江面幾人  
厲霜刃割盡閑塵眉無髮可笛青何繩堪繫電  
為問橘皮仙江渚幾迴變

寄黃諭德平倩兼申玉泉之約

宦情擬上武牙灘。世味真吞栗棘丸。腕上千珠  
胡語熟。秋来一影射堂寒。面慈每覺違心易。肌  
膚當恩忍。瘡難桞。木如菴。茶似掌。藍堆山色倩  
誰看。

出城至大別寺題壁

漢陽山上閒纏少。漢陽城中人又老。娟眉雪齒  
競浮榮。幾人頭上無青艸。荒墳如粟。秋山下。  
啾鬼母。訴長夜。山中老矣。頭陀行。白骨堆中起。  
精舍漢陽城。如掌大。壯士激矢穿城過。試登高。

閣數行人潤帽青衫凡幾箇

八月六日舟中憶去年此日與大兄都城  
歸義寺別滋然念及大姑自云明歲二三  
月當還出籠不遠因大笑而別今大姑與  
兄俱逝矣哀哉

別時猶記帶餘訴夾轂風生滿面灰屈指來年  
二三月大姑含笑長孫來

二

伏惑雖然學聖流難辭真慟到眉頭獨形獨影

空舟裡自說因緣自解愁

三

聞說南中也破顏幾廻夢上九華山而今恰走  
南中路不是生遊是死還

四

饒他白髮倍耆年那得三朝無惡緣一刺未離  
一刻苦爭如長夜却先眠

五

燈前腸痛子瞻詩宿世他生自可知郵館暫來

還暫去蓮花聚首是長時

將抵家園作

都說還家樂今來無此情稍稍親宿累漸漸入愁城獄月隨歸夢蘆風作苦聲令人仇鬚髮遙我學無生

二

况是風吹旆那能右作肝一門冰水淚十里路  
人寒痛絕椿堂雪孤他熊膽丸郭西原上艸曾  
是繡歸看

舟中偶成

何云賤勝貴  
賤死悲易止  
何云頑勝智  
頑者多壽死  
暗女與妍天  
相去不盈咫  
欲得截憂愁  
先須斷歡喜  
行年三十餘  
稍稍窺茲理  
視官如舍郵  
等子于衣履  
舍郵非不住  
斷不悲移徙  
衣履非不着  
無心計華侈  
深谷既慳緣  
閑途且停趾  
出世我不能  
免作勞薪爾

二

冶嬈豈不見  
見之如青巒  
絲肉豈不聽  
聽之如

鳴湍聽水無蕩思愛山無熱顏辟如懷抱兒挈  
手弄金丸山雞眩其影竟死白波間

徐景鳳元輝參訂

門人袁牋度無涯初校

吳士冠相如手書

清碧堂集卷之二

清碧齋集卷之三

后公袁宏道中郎撰

麻城李長庚酉卿閱

詩

齋中偶同諸友作時紈

少時飛將氣如騰老去常思繩上鷹抽得健兒  
金鏃矢等閒親角兩三堋

冬盡

怕見脣頭殘窮年逼小寒見人黑髮去自檢白

鬢看好句逢僧得新懷語客難雲山與烟水夢  
着也成歡

除夕觀諸公飲

剪却殘膏穗閒觀未了棋角杯窮酒事分帖記  
花時白髮羞螺子青溪訪釣絲買櫻新作笠江  
海任吾之

除夕偶題

螺甲香沉蠟燭殘黃柑歷歷耀青盤朝來令節  
候官長當去紅衫欲贖難

二

白酒青鹽強作歡長歌到底意摧殘當時京邸  
團園日只作尋常聚會看

壬寅元日

不圖宴坐與澄神只要烟嵐過眼新等取開年  
得意事衲頭隨着住山人

初正偶題

慣懶無心更出關清時夢亦趁人間幾回寺裏  
尋花去獨自江頭看水還處世漸同栗里子全

家擬住玉泉山千谿萬碧何由見只是蒼枝也  
破顏

人日同度門發足上玉泉

燒却門符紙匝地競如蠟青眉稚齒兒堂上誦  
夫子余也亦皇皇趁時沿山水瓢笠共山僧緇  
衣附行李是壑耶吾居是雲即吾市逸思觸東  
風吐若爭春藥冒霜遵脩途十里黃埃起

二

西眉東衡匡天公賜我履道遠不能從玉泉且

經始幾年說堆藍未語頰先起夢中見青溪石  
泉帶雪洗疊身智者洞扣我先鄉里鄉人說鄉

事真切彌可喜問我氏伊何作講堂者是

時天台講

堂乃袁子雄作

久不到沙市矣感賦

斑髮今來是老成緇衣聊復大堤行見僧每憶  
年多少觀水因悲物變更率爾扣門常悞姓偶  
然題壁不書名章臺寺裡曾遊處古棘叢篁遠  
地生

雪霽看月和度門韵時將發玉泉

一片牙光地南宮墨不成近窓花淡泊就枕夢  
孤清爭古前朝淚耽幽後夜行刻期峰頂上踏  
雪共題名

元夕度門出宮中月餅同賦

曾向昭容手內傳綠綵親押聖人前三千里路  
秦宮月和雪和烟到楚天

二

盤中猶折半宮花刻鳳攢龍自內家不是國師

爭袖得也應墜破紫袈裟

三

曾是金娥印得成留將舊樣說陰晴等閒放出  
中秋月併與春燈一夜明

舟中元夕偶談郡中舊事故及之

又見一廻圓長江淨可憐稍談朝野事遙語盛  
衰緣萬井濃華歇孤燈沙雪前瓶梅香楚楚似  
欲飄枯禪

元夕舟中同馬元龍夜話

古漢集  
夜深蠟燄殘月色淨諸巒近水臨窓語和烟帶  
樹看貌兼杉影瘦思入井冰寒辦得一番死參  
禪也不難

舟中夜話贈馬元龍

十年不作沙頭客舊時眠好頭盡白偶然湖海  
訂新知久語寒泉落幽石白沙着月水澄天一  
面吳綃滑冷碧螺聲沸盡火銷灰不覺西窓墮  
寒魄世兒啾啾弄吻舌豆火不光他自窄等閒  
襟手量青天枉把虛空記尋尺天池九萬自乘

風不以蜩鳩損勁翮

翻

竹枝詞

龍洲江口水如空  
龍洲女兒挾巨幢  
奔濤激面郎驚否  
看我船欹八尺風

二

雪裡山茶取次紅  
白頭商婦哭春風  
自從貂席橫行後  
十室金錢九室空

三

百錢一尺買吳絲  
焦髮龍鍾舊玉兒  
記得庚寅

前後事萬紅堆裡揀花枝

四

東街晴雪未消泥南陌陰靄又張堤恰似江頭  
媚女面乍時歡笑乍時啼

五

泥深一大怯開門惡風惡雨惡夢魂纔喚婦來  
又喚去斑鳩喚得也頑頑

六

長檣鐵鹿破洪濤木綿子竟七尺高拽時蠻力

獨三席拋擲輕如一鳥毛

七

船上女兒畫森娥一葉風隨水上波左手牽妹  
右牽板雲冠不動青峩峩以上二首書所見

八

吳兒纖指語音儂壯客高簷項領重江西賈子  
面如漆袴褶行纏伴老傭

九

陌上相逢盡楚腰涼州一曲寫吳絃鶯歌盡

南湖月更與唱歌到板橋

十

玉娘一曲叫天驚此地曾經牙板過十五年前  
細腰柳而今枯瘦十圍多

十一

一片春烟剪縠羅吳聲軟媚似吳娥楚妃不鮮  
調吳肉硬字乾音信口吹

十二

賈客相逢倍惱然梗楠杞梓下西川青天處處

瑤席鬻女陪男償稅錢

荊州前苦雪引

鮫民老困輸綃苦私向龍宮販雲母百駄夜經瞿塘門峽鬼騎魚訴天府鮫戶十竄九囚虜淚不成珠天帝怒骨白粉焦委黃泥至今荊州唯

白土

荊州後苦雪引

東皇放晴亦不惡何事飛霧乃穿鑿入市不填萬井饑積峽惟助江神雪蔬盤日日嚼冰絲豈

有羊脂烹羨臚撲窓打慢十日落千門無路貸  
金錯厨斷烟銷牙齒閣下方自苦天自樂玉娘  
斜坐抱雙脚仙官雲吏供嘲謔東海盛解黃姑  
酌天羅夜竊九闕鑰倒騎獐龍插金絡羲和上  
書翻見縛丁令無官化飛鶴吁嗟天公待民何  
其薄野人扶白覓溝壑

久雪忽晴喜而有作

殘花殘木總精神纔見寅年一目春柳態美如  
新櫛髮山容貌似遠歸人閒追老衲三餘輩更

水池五六巡江鄙早須騎馬出旋呼稚子充頭巾

春江引

濃烟抹盡春沙暖錦雲冬日鴛鴦滿斜嵐撲地  
夜鬟香較取卓家熏深淺古光勻綠堆春簡尺  
闌題盡折枝短桂橈一劃破青天辨取藤鞋踏

山眼

示度門

北平曾記寫蹟時黃帕親封下赤墀三十四年

薄宦客一千七衆講經師藍堆山續開皇詔仙掌茶抽穀兩旗鬼斧神工仍七日直教重勒玉泉碑

白香山三十四歲作感時詩余今正其時矣仍次其韻

少年沐新髮鬱若青莎地一朝盆水中霜縷忽三四辟如百里途行行半將至視老猶壯容比少已憔悴是身如肉鯽皮毛聊客寄微官復寄身寄與寄為二浮雲畸太空種種非作意鱗鬚

五  
鬢鬟散時等一氣為樂供朱顏及時勿回邇  
青山好景光花木饒情致我有戰老策勝之以  
無累胷中貯活春不糟自然醉虛舟蕩遠波從  
天作升墜

放言效白

掉頭誰擬作公卿只合林間樹下行減是穀非  
憑耳過元輕白俗任詩成有身祇作他人看無  
事休將造物爭夜踏芒鞋深雪裡自呼東郭冷  
先生

二

賢愚富貴且憑他山上髻鬟柳上娥鐵網試撈  
穿海月漁舟任截過頭波齊肩大士辭葦久禿  
髮中書感事多船上老郎江口女咿哩容易得  
成歌

三

鸞靴爭說上場難衫袖郎當且自看世路兩平  
三尺嶺人情八折九迴灘胷中毛女霞千片石  
上王喬葉一丸夢去幾番登岳頂抉桑清水浴

頑盤

四

高人竊欲比無功閒把心情托去鴻易象有時  
輸瓦卜騷村兼不廢媱風謀生拙似啣冰鶴觸  
事剛如蝕木蟲莫放大鵬天上去恐遮白日駭  
愚蒙

五

抹却濃嵐作羽衫撫松終日坐枯巖盜悲老氏  
折衡斗馬謝莊生脫轡銜青鳳下來傳古字白

雲飛去護仙纖芝田數畝那耕得收拾山中木  
柄櫈

食筍時方正月

鮮甘筍與素盤宜蓋殺萬筈與露葵野腹雖饑  
下筋緩疑他名字叫龍兒

二

縠水溫風解凍時家家餌得雪玻璃懸將野意  
酬君子飽食西窓讀楚辭

三

纏呼痛快忽傷唇積玉堆霜止一巡便與喚名  
西施腕較他舌乳更清新

四

嬌年那得逼人清雪骨雲肌已十成校色與香  
皆第一蔬絰頭上擬題卿

五

族類叢生楚水濱前身未嫁湘夫人請君試看  
殘籜上也有斑斑淚點頬

六

苦將墨汎染龍孫只寫瀟瀟个字繁寄語湖州  
文與可襪材爭似買盤飧

七

曾踏山陰雨後春  
描頭花筍賤如薪  
陶家只棟破塘買一日  
周望屢稱破塘筍常番雨替人

卷中見巨友王官谷姓字感賦

殘墨猶香落姓名  
孤缸清夜淚交橫  
公然墨髮人將去  
畢竟青山約未成  
心事如冰見底裡交遊于我快平生  
柳浪湖上深更月料得詩魂近

水行

二

雲霞凝置別堂春其柰些兒露水身碧柳典來  
求古佛青鬟嫁去事高真一生書画皆償債數  
眩琅玕也賣人湖石迤南施子北哭君此地最  
傷神

舟中與諸上人談亡友潘雪松事詩以記  
之

為向山僧述老狂這番清淚又沾裳薄紅腮頰

秋生膩湛碧瞳人夜有光阮籍一杯澆劖塊微  
君千頃泛汪洋方言故事閒編集白水青霞洗  
肺腸玄理每將參國是冥譚直把作家常終年  
問道忘人我老去論交絕輩行五十金闈纔挂  
籍八年符璽尚稱郎虛心聖主憚詞正側目權  
臣避矩方大易傳成王弼死小樞園就洞仙亡  
荀爽方丈新蓮社首怕街坊舊燕梁司馬也須  
楊惲在廣陵終作孝尼傷極知實落棲真地不  
是荒唐渺嘿鄉魂魄若歸先洞府平生開口說

天當他年京國西州路慟殺羊曇哭幾場

哭劉尚書晉川

記相識相識黃鶴樓當時椎齒青衿子平揖方  
伯古諸侯書司曹佐歛手愁公也置几頭柱頭  
飲我酒庭幽幽千枝如火燒紅袖東曉晴川西  
鵠洲少年挺達躁如猴枕肱疊膝百自由欹杯  
畫筋恣嘈牀爾時山翁問余言乘興遂作洪山  
遊中間離合苦不定長別已經十春秋去年三  
弟山東來道公貌腴骨力遒百八串珠不離手

言談清簡風颺颺未幾傳公病又傳已小瘳昨  
者度門從淮返故里親見白旄黃腸出濟州使  
我淚眼如江流三日欲語不得語枯咽喉海內  
學道幾人在轉眼輒為天所收去年哭潘去華  
又哭我先伯脩河枯岳折星辰先鳳凰不鳴鳴  
鵠鵠天公于世豈相讐或者精光透泄不宜久  
高賢大才理當歸一丘嗚呼既知歸一丘何為  
銀章紺袍白頭戀着不得休

苦雪戲作

十日不曾開木扉  
強風苦欲弄殘威  
辜他媚媚明明節  
只作團團絮飛琴客已聞  
特鶴羹詩翁又訴打花稀  
山人欲取畫中意故着紅衫戴  
笠歸

徐景鳳元輝參訂

門人袁叔度無涯初校

吳士冠相如手書

瀟碧堂集卷之四

石公表宏道中卽撰

麻城李長庚酉卿閱

詩

新買得画舫將以為菴因作舟居詩

擬將船舫作菴居載月凭風信所如魚鳥教他  
為侍史雲烟呼我作尚書居如老蠹身藏木行  
似蝸牛首戴廬下無卓錐上片瓦致身今日在  
空虛

二

囊中隨意貯青蚨  
歌吹雖喧不可無隱逸也  
須添故事江山真合點  
狂夫隨身恰似天宮殿  
寓目皆披水畫閣  
甲子不須頒鳳曆  
但看蓮枯發與

三

五湖不是學玄真  
且喜素衣不上塵  
家移碧纈綾中住  
身是屏風画裡人  
閑追船子恣行腳  
老情中峰作近隣  
一衲蒙頭萬事已無懷  
民與葛

期蘇潛夫遊玉泉竟月不至及至而余復以大人病瘡歸于其行也詩以訊之

江程纔隔一牛鳴人事參差柰此行枉把青山來作夢尋他白石上題名花間廢卷查遺蹟雪後崩崖戰水聲到日天台應寄訊講堂久矣待

袁生

花朝和坡公韵

絲絲新柳颺堤門早晚南村又壯村風信煖寒觀林色葉齒深淺記芊痕行來漸覺姑臧重靜

裡頻將耗火溫是物逢春皆作語子規未必是

啼魂

又是日新晴

一泓幽碧照籬門偶爲題梅過遠村愁去東風  
消凍液喜來春艸迸苔痕鶯花又作新情看山  
水閒特舊譜溫東野浪仙誰在者苦吟清句當

招魂

又述舊西山下有門頭村多精藍

探春猶記出青門先問門頭第幾村近水只觀

娥散影匝堤唯見酒淋痕花時乞假朝參少醉後聯鞭笑語溫是日把杯人已徃離鶯新柳也傷魂

和東坡梅花詩韻今年雪多梅開不甚暢  
為花解嘲復以自解云耳同惟長先生作  
世人鬪豐不鬪槁瘦而能立勝肥倒世人相喜  
不相愁濁快豈若清煩惱寒花道逸花典刑不  
與天喬論繁早根株虬曲幹橫斜總令無花格  
也好山茶肥膩蠻腮紅滿柳輕微媚黛掃孤清

始月婢春雲白石蒼崖相對老只將黃髮領芳  
菲忍令高姿伴花艸山中夜逢草綠華騎着么  
鳳上青昊

二

花神一夜色枯槁主人入門愁絕倒夜深花嘆  
似人言主人百事重花惱一者庸工剪束繁二者  
醜女折戴早三者頭上寧着老鴉啼不願俗子  
相憐好晒禪遺矢主不知花落青苔任幕掃  
算縉立券坐花前無酒無詩送花老孤山事我

卷仙殊君之視臣如芥艸主人百拜謝花神過  
不即芟如春昊

三

主人被譖如摧槁空庭百匝愁顛倒抗顏也作  
花忠臣摘葉披枝忍花惱貯君玉照金谷之堂  
山驕石俊君開早貺君和羨驛使之辭調卑格  
弱君言好我無紅碧為君妍莎臺莓榭躬除掃  
宋硯蜀紙李廷珪折枝貌得花韻老榮枯開落  
等一觀自覺與花非艸艸月沉風止兩無言一

方積雪照冥昊

侍家大人游太和發郡城偕遊者僧寶方  
冷雲尹生也

戴將頭髮入禪關長得閒時也畏閒從此野人  
功課定一年須上兩番山

二

全家都愛踏雲烟過去青山香火緣扶着白頭  
拜真武被人呼作地行仙

三

朝衣疊却繫烏藤白石青巖取次登識得袁家

裝束別紅旗隊裡一騎僧

荆門道中

山勢錯隆隆斜疇苦稼同看人登迅坂叱馬作  
鼙蟲廢驛崩橋石閒花遠塢風私營與公事了  
不到心中

二

十度麥城道三分漢壽侯蠻鄉耘土瘦鬼俗見  
鴉愁烈蹟窮諸夏青山讓比丘昆尼稱弟子輩

血可能休

釋氏載公後受戒  
天台故古句云

峴山道中聞頌汪使君德政詩以紀之

閒坐說循良青槐古影涼橫身遮數郡一笑釋  
權璫通國嫌稱戶生男必字陽小儒無大計束  
手嘆非常

習家池

一庭幽碧鑠嵐煙旋着春茶試乳泉想得當時  
醉山簡面容如赭影頽顛

習池道中

深岩寂寂石花斑院却塵沙車馬頗是客競來  
嘗白冰幾人休去伴青山雲泉到眼無多熱金  
紫蒙頭第一關三尺磨崖書大字人生到此是  
清閒

大堤女

文窓斜對木香籬胡粉薄施細作眉貪向牆頭  
看車馬不知裙着刺花兒

天柱峰謁 帝

除却善法堂人間無此麗甍題鑄黃金玉版花

紋地羲和曳長輪銳碧返龍轡霞裡召仙官飛  
斷青溪翹危巒諸夏人綃綺被山翠號呼夾笙  
鏞醒却天城驛蟠珠薪水沉千里薰燎氣長鬚  
老真人曉暢天家事逸典絕云亭功高士十二  
鞭山駕龜囂一笑秦皇帝

南巖

望純頂及五龍諸官有述

珠題缺絕辟人巧依天匠峭綠疊頽嵐青天怯  
磨盪濛濛太始雲曠劫相醞釀一自闢玄宮斧  
作仙家障蒼巒夾欹竇高天入盆盎終古客清

虛諸仙幾回喪真人將上升先此規圈樣十二  
樓五城某天如某嶂宮成付黃冠仙郵侈供帳  
道裝俗鬚眉只此輸天上

席耳巖逢不二和尚

幽巖幻出支公面瘦壁玲瓏點葱蒨百年一室  
鑠青煙澗石霜松幾回變師言少日住西山南  
內風光眼曾見武皇七年四月時搭衣曾上  
戒壇殿白頭等死入名山四十三年若流電  
棉挿得大十圍又見曾孫頭似霞夜深屈指數

朝賢青山閑人如郵傳元美伯玉今在無可惜  
聰明苑編撰

題紫霄太子巖

多少真官學大還只將白雪換頑頑爭如淨飯  
真王子巢頂穿茅大雪山

七星巖

紅霞一抹霧千重石骨如斑翠點濃何事丹砂  
炊不轉諸仙長憩竈門峰

入瓊臺觀

澗路曲盤盤聞香又隔灘巖欹天古拙石瘦月  
高寒屢共雲封事曾聞鳥紀官人間三萬日洞  
裡不相干

二

一帕覆長眉深衣大帶垂無通名姓地有駕鵠  
鸞時為客烹烏藥教人悟白髭聲名與榮利膏  
火露花兒

七真洞贈道者

雲烟回合較仙關萬仞斜通一髮山事往已迷

新甲子洞深忘却舊人間  
橘皮鶴下遺雛去  
夢綠花來採藥還  
白日餌將三五斗方瞳如水照

丹顏

長生巖逢休糧道者

只將空榻伴嶙峋  
踏遍梔花澗底春  
一口也擯爲長物  
諸緣皆可作飛塵  
施來白粲都飼鶴種  
得黃精每寄人  
晉却石爐烟少許  
深山遙夜禮

高真

遊玉虛巖

一壁繡烟霜石老嶽嶉露輓骨留空巖青山也  
仙去或纖削而清或高古而怒瘦過必成妍喜  
極多由怖咽者為奔泉古者為杉樹種種出天  
成幽奇互遭遇翹首告仙真此地好流寓未必  
三神山有此奇絕處

隆中偶述

蒼藤老蔓幽谿石瘦鐸棱稜網苔迹想得山中  
抱膝時涼雲如水樹紋碧山莎滿地刺花紅艸  
堂斜掩一池風杖聲跕跕衝山鳥道是鹿門龐

德公開尊疊唱梁甫吟黃頭醜婦拔釵簪踏花  
趁石窮幽嶮行盡溪橋聞恠禽一朝龍甲騰巴  
水盡瀉清江澆玉壘西連鄰虜東校吳坐策行  
壽翁回光晚年隻手扶庸主文泣鬼神戰風雨  
炎火不光漢數窮消得英雄憤翁許五丈原頭  
石輶塵烟霜蔽却白綸巾始知伊呂蕭曹輩不  
及餐雲卧石人

秋日柳浪館雨中王以明劉繩之見過得

遲字

西風索莫午烟遲一萬垂楊裊裊絲夢裡也隨  
僧入社閒中多以頌為詩遊鱗翕處常分藻情  
羽棲時不論枝沙碧水青雲漱漱木花將綻藕  
花哀

館中再用前字寄王以明

閒丹閒碧長秋思水榭風軒分外宜老衲寄書  
離岳久田家留語赴齋遲楓堤壯枕西湖廟瀼  
水斜通濯足池免使韓公喰糞壤園亭是處有

新詩

鷓鴣

鷄塘風起散花鱗踏徧溪橋不上塵饑鶴偶來  
添半口浮雲忽破現分身每嫌蕉葉遮簾子為  
觸番書置淨巾自起澆莎汰白石清閒賴是不  
如人

山居

山居只索任天真無作無營自在身青葉髻呼  
離弟子白蓮湖老惰耕人偶逢上座學觀骨免  
與東方難腐脣一唉蒙城門下土幾歸滄海幾

飛塵

九日偕諸弟及僧泛舟至和尚橋

蘆花風起雪平川  
數畝荒洲倚廢蓮  
小榜乍泥沙  
子屹驚禽忽破水條烟  
閒移竹影婆娑地坐  
愛溪文荇藻天且與  
鷺鷗相伴着平分  
僧月載

歸船

黃平倩至玉泉以書見要倍道趨之馬上

感舊有作

曉枕濃和發清嘆  
知是佳人呼  
我字翩然一鶴

自東飛嘶得巴江歲子至蠟花湍幅堆明巒要  
我共踏青溪翠怒帆一掣截長波馬不待鞶捶  
以轡頽藍疊綠漏平田纈林稠葉點清臘當時  
京國好兄弟射堂佳月城西寺幾年拋沒嘆吹  
雲又作飛鴻留爪地老去怕逢緣熟人夢回每  
說金華事欲知銷折幾番心看我衣衫重疊淚  
玉泉寺同黃平倩庶子賦

藍堆翠撲幾千年銀浦何人也覆船龍伯徙來  
方闢地蚕叢緣此遂登天紅霞抹額將軍拜白

商略正王事更番作野遊三童四冠者西頓壯  
江頭水卷連祠竹沙村帶石洲官私與禪講一  
味勸心休

柳浪初正

有僧寄山子

旋貽白髮號泉翁舊業今緣次第空山鳥乍聞  
新搆巒峽僧遙寄小玲瓏坐消纖雨輕陰日閒  
踏踰黃淺碧風收拾方橋與蘭棠待看紅萼慢  
流中

偶成

閒坐閱年光青揚倍倍長漸陞貧等級乍入老  
班行僧說觀空法道言續命方酒人頻啟事麌  
蘖供心王

擬得

擬將藤杖伴袈裟賀却新年便別家湘竹廟前  
益浦口不知何處看桃花

偶作

靜裏三三昧多年得妙方不知緣底事動輒嘆

冀王

范生善形家言自山西還將歸豫章詩以  
別之

一身直出雁門關踏遍堯封禹跡還收拾行縢  
與笈子待隨徐福上三山

二

擣將雙目入雲堆白石蒼崖日幾迴但得肉山  
先報我衲頭親自領僧來

三

三年擲却皂紗巾五柳家風一味貧願得龍沙

休帶印兒孫只作愛山人

徐景鳳元輝叅訂

門人袁叔度無涯初校

吳士冠相如手書

瀟碧堂集卷之四

瀟碧堂集卷之五

石公袁宏道中郎撰

麻城李長庚酉卿閱

詩

遊石洲

愛取春江一捺澄斜帆疊疊柳層層閒來袖得  
佳石子付與山中好事僧

二

三番石上聽歌脣轉眼楊花一紀春座客十來

消却五更無一個六旬人

舊太守徐濱岳觀察岳陽偶道敝邑詩以送之

江風灑灑綠條絲父老爭來拜戟支門外熊轄攀蘆子掌中貂扇弄嬰兒肝腸似月冰皆徹惠澤如春艸不知一片酒香亭上石摩苔重寫洞庭碑

代送徐觀察

送者為徐公門下士

草臺春嫩碧葉肥又見陽和使者歸南紀霜崖

留政蹟洞庭波月澹容輝弱蘿有寄千尋直笏  
鶲乘吹萬里飛三載少林門下士謬持空鉢乞  
傳衣

柳浪館同龔散木小修賦得雪中新柳  
纈青繁白幾千條胡粉聊將贈舞腰當日輞川  
無此景強于雪裏寫芭蕉

和萃芳館主人魯印山韻

乍雨乍烟作艷陽高齋幾度角杯觴偶逢竹冷  
溪幽處只覺山心水味長松下壓槽經月醉花

間彈局一枰香主人恰似玄真子細雨斜風載  
湍航

二

愛看幽鳥曝新陽每遇嘉陰即倒觴盡日竹烟  
消酒去有時鶯語入簾長春塘雨過波紋亂花  
場風回蝶翅香行到碧橋深柳處一帆涼月湍

吳航

三

蘿石森疎倚夕陽主人投轄客傳觴天高未覺

鵬營曠松老方知鶴夢長山雨山烟濃淡着溪  
紅溪碧淺深香醉來一覺雲門路藤枕梔笙泛  
越航

四

幾回傍檻折迷陽流盡春槽曲水觴竹色淺分  
溪浪涓花枝斜照夜鬟長清言屢射當場覆艷  
語頻勾隔坐香皂帽青鞋從此始敢持瓢笠附  
輕航

五

幾番對酒惜頽陽聊為飛英送一觴竹裏葵蔬  
尼客久山中甲乙倍人長仙畦屢溉新分藥道  
坡猶薰舊賜香上馬揖來無別語米家曾乞載  
書航

月下

明月照我身宿鶯熟吾貌床几落柯文臨風忽  
一笑淨月貯空潭如以照銜照遞互發光明幽  
陰洗晴耀面石張枯桐自發淒寒調疾風傳遠  
林萬類振清竅

月下偶成

元懶遂成性人皆笑此翁坐依藤架月行傍藕塘風萬事溪聲外一生雲影中自從甘曲枕不復夢三公

雜韋

柳塘三十載茭葦翳其半寒毛與垢癩蝕却青娥面童子厲鏹羽飛光激流電疾風卷殘枯倏忽青天見照我池上人露髻白團扇芰荷一簇風碧水千丈練送能入東溪招蟹過西堰鱗介

李清麗堂集  
拔族行知有蛟龍遯

夏五雨不止

宴坐烏皮几昏昏似苦禪夜燒防水吏街鼓送  
神船野客圍茶社山僧訪半田尊罍那得滿旋  
典葛衣錢

柳浪偕諸客偶題時午節將至

榴花歷歷爛青枝又到分絲剪艾時布穀語乾  
辭社老寒皋舌長畏童兒酒人每自欺新戶騷  
客頻來競險詩花路柳關閑不啟免持肉面照

清池

賦得風雨亦來過

宿寐高齋柳窮陰到亦多雲齊千畝稻雪捲四時波竹裡爐烟出花間艇子過醉來即高枕夢境也清和

戲題十姊妹花  
燕中有紅姑娘花極紅

纈屏緣屋引成行淺白深朱別樣裝却笑姑娘無意緒只將紅粉閑兒郎

早秋曉行入寺

溪深菱芡香花落讀經床露葉千疇拭風稍一  
院涼白頭鶯目子玄飲烏梅湯轉入村林去羸  
疊只自將

秋夜獨坐看月

淨綠雲千樹玲瓏月一池就花來掃石宿羽忽  
垂枝懶與烟霞稱閒于水竹宜山中招靜侶幾  
客似鷗鷺

柳浪襍詠

假寐日高春青山落枕中水含蒼蘚色空湍碧

風適性營花石書方去鳥蟲酒人多道侶  
裡也談空

二

蕉衫烏角巾半衲半村民時藥常占日澆花每  
刻辰澗毛分淨俗壤水貸西隣卒歲學為稼樊  
須也小人

三

得得尋花去衝烟過柳居見僧詢母字為客檢  
方書幽夢通巢鶴閒心繫涪魚浮塵無可競競

漢書堂集  
卷五  
得也空虛

題灤州沈大夫加恩冊

碧水青崖戀主人呼他魚鳥作齊民山中不問  
裁蘭戶庭外長角駕鶴賓官舍有時唯洗石印  
床無事只生塵渚宮巴國爭傳語看取天花翬

錦新

謝魯印山惠舟兼荅來什

白鵠飛來油口濱尺書略有自脩鱗憑將貯月  
籠烟水泛我輕雲冷石身濯足且呼回道士浣

花先約杜詩人鑑湖一曲幽如許賀老終當作

近鄰

邑舊有呂公潭足此及杜思亭近柳浪

書尾以濟川見期非所望也因述鄙懷以報

巨川舟檝竟如何不那湖湘烟水多荇藻自然  
生遠沚鳬鷗終是樂清波環池草木仲長統細  
雨斜風張志和白日黃雞底相惱玲瓏爭不為

君歌

八月十三日同諸公看月水軒

掃却層雲去無塵可翳空鑒窓臨水上引月到  
亭中入座鷗鳬氣吹衣荇藻風開尊半白首寧  
不借脂紅

湖亭對月述懷同散木賦

竹氣荷烟冷不分石泉汨汨夜深聞每隨流去  
呼杯子但覺風來掃樹紋百畝池臺唯貯月一  
家生事只依雲廢卷柂木頻棲止漸喜從鷗不  
亂群

中秋對月同散木作

百年看月幾廻盈那得中秋度度明縱使清光  
常湍湍若無勝地也平平朱欄碧榭垂千畝白  
水青霞過一生醒即抱鎗眠即枕腮毛漸漸有  
霜莖

秋夜坐月水軒同龔散木劉繩之賦

一綫露雲棱微光漾青樹空翳與庭暉總被風  
吹去虛欄當水心是月流連處頻夜厭清光衣  
衫浣花露世間濃冶物到眼即成故無地不追  
隨只似如今遇空階欹瘦石寒影清而怒試問

月中妃雞皮凡幾度拋却射鳥兒億載牧寒兔  
柳浪雨中時親朋多自塲中歸

自起約書床爐烟細細長稍呼營酒客新試焙  
茶方夜雨花棚綻朝盤豆角香親朋遞來往閒  
與校頭塲

兩弟自文戰歸

離却至公堂飛舠出漢陽新衣荷碧色遠甕蟠  
黃香箋牘頻頻出文章字字商家傳弧矢訣箇  
箇解穿楊

偶成

自將白水照衰顏也合長林豐艸間便欲易名  
辭故國只愁借姓與青山溪邊酌月傾高戶花  
下題詩嫁小蠻海錯一筐書半紙門僧新自浙  
東還

和散木韻

閒適也相宜楸枰徹幕棋晚花殘舊菖古搨亂  
裝池雲脚纔收雨秋容漸上詩家家貯新釀等  
取菊開時

二

君監馬散通休心壯歲中治生茭浦月送老石  
門風每笑橫波目閒憐戴屋魚禪鋒示妻子輸  
我作龐公

三

只合卧雲休閑驅欸段遊愁來鷗失渚夢裡鹿  
尋丘碧水青烟市紅樹白果秋斗湖新月秉蕩

箇小漁舟

四

老無出處累也欲趁興忙月課脩花戶日攜者  
麓床曉風綿子落村院瓦松香遍鄗謀新釀空  
盃待夕陽

五

閒隨馬少游鄉里度春秋洗藥松根下分花水  
市頭請雲遮谷口與俗割鴻溝一味鷗鷺去長  
年百不憂

六

落葉衰秋磯殘霞雨洗暉彈花蠅席逼掠竹冰

鷹飛白足遺梭屢青城送道衣庖童覓餚去兼  
買紫薑歸

七

遍識今朝士無如隱者親酒澆種柳客圖寫姓  
龐人鸚鵡司茶具彌猴盜角巾贈君柳浪水堪  
浣胃中塵

八

空潭獨影誰箇是好相知每咷鵬心侈閑憐鶴  
墨危眼光常照綠面貌日浮危一徃青山去還

愁鶴不隨

再和散木韵

平生四不宜 擔糞與圍棋  
強捉山公筆 生填逸少池  
窓前微點石 花底小裁詩  
稍欲裝風景 休推臨老時

二

藤紙書一通 裴詩王集中  
時清傳雅語 栩婉變驕風  
麗體收花露 方言辨鳥蟲  
綠綿閒貯取 一示諸公

三

顛毛老去休擬伴赤松遊  
盡室營新麓全身觀古丘  
雲巒閒品藻花月小  
陽春秋欲作天台訊東陽  
有便舟

四

山居饒水石消得一生忙  
夜雨沉丹竈秋花散井床  
古苔頑樹瘦乾牘老魚香  
夢裡匡山路斜

帆指漢陽

五

稼圃也優游山莊又一秋迎風收栗子過雨剪  
花頭自洗蒙苔石聊通滯葉溝閒中真本艸謫  
忽與忘憂

六

夜雨水平磑朝瞰樹樹暉龍中珍鳥語天外拙  
鳩飛古杖藤花笠垂絲板褶衣形容堪畫取画  
作屏溪歸

七

幽居長在定直與簡編親東魯先夫子西方古

聖人侍兒泉洗面座客鳥嘶巾幾日僧寮去山房一半塵

酒正合禪誰醉鄉甲令知睡魔擯五嶺愁翛放  
三危詞客花盈斗錢奴醋鴟危清譚都撥去只  
許雅歌隨

九月二日盛集諸公郊遊至二聖詩仍用

散木韻

瀟散與秋宜枇杷樹下棋衣紋粘艸地人影散

花池石室僧流梵霞江鴈譜詩空臺聊戲馬預  
取菜更時

二

莎徑許誰通香寮紫翠中窓衙半嶺日院鎖一  
池風認藥収花片闌題得艸亟玄言三五反小  
欲因支公

三

折柬召僧休儒禪結伴遊藻心遼戒律觴政點  
軒丘辭冷啼垂暮雲盤怒阜秋小童閒理穢歌

清江堂集  
一  
板上漁舟

四

靖節一生懶秋來有底忙妻兒園菊社賓客守糟床西肆駕蹄熟東隣解甲香山中無姓字呼我作高陽

五

白馬紫韁游溪光湛碧秋蛾眉司酒監大鼻領曹頭袖點喬花雪杯香萼葉溝山房閒料理菊晚是吾憂

六

閒尋古釣磯  
樹影與波暉  
乾鶴一生喜焦鶴  
半  
訛飛奴囂亡  
酒具客醉唾僧衣  
又趁蘆花去  
長  
歌緩棹歸

七

偶然深樹裏  
乍得野鷗親  
蔓棘衣閒路  
松風聒  
靜人橋邊紅累子  
花底碧紗巾  
怕掠青苔去  
空  
階不掃塵

八

獨樹扣鐸誰幽人覓故知斜鬟溪女笑丁路板  
橋危山戶垂封蠟花鄉果薦卮白公君記取是  
處有僧隨

九月初五日得三弟京闈第三報志喜仍  
用散木韻踐前約也

高科晚取宜先着是卑棋潭躍新龍子天還舊  
鳳池恩門侵曉轡秋卷早朝詩一點射堂月開  
尊憶昔時

東華曉氣通南省謝班中絕景霜蹄道垂天老  
翻風酒澆退筆塚花燬蛀書蟲更念同門友藍  
衫待至公時王丁諸友被落

三

筋塊破除休幾年禽向遊全家呼季子舉國號  
糟丘帝里雲霞爛故山松桂秋名成不受爵同  
上五湖舟

四

讀書依梵侶靜裡幾番忙白雲通文字青蒲作

講床月花根幹老天女鬢鬟香偶見題名處抵

燈感渭陽先侍御舅鄉書亦中第

第三

五

四海論交游文場二十秋卷中生紫燄鏡裏換  
霜頭古寺隣宮月寒淙響御溝高堂微啟齒銷  
却幾年憂

六

辭却舊花磯紅塵踏曉暉蠶心千葉老蝶翅九  
衢飛愛紐纏高士濃竿餌布衣賢昆得第日走

馬看山歸

七

慷慨歌燕市依然屠狗親遠山隨酒媪胡粉抹  
天人異服花紋粹高風墊角巾緋氳一夜雨浣  
却素衣塵

八

百畝青山誰孤藤即舊知閒雲投遠曠倦羽避  
高危重疊花前板朋從几上危湍板三五稔季  
也擲冠隨

舟行黃金口同散木王回飲

鄉落也陶然蘿花古岸邊田翁捫風坐溪女帶  
竿眠小港蘆租戶低倉米稅船河刀與生酒興  
劇不論錢

又九日偕諸叔及諸季昆散木陳正夫王  
回登高孟溪劇飲

笑譖略卑尊飛籌迭盃盃一灣茶棗市合族水  
雲村小管吹蘆葉胜罍卧柳根未須量斗石強  
飲倍齊髡

和散木登高之作

落日度微岑，紅霞帶碧林。  
漁翁霜風卷，目客哨晚。

傳金波，督勞魚尾雲。  
挹古鶴心醉，歸如夢裡歌。

馬路昏沉

贈陳正夫

學書不成去學劍，拋却鉛丹買弓箭。  
六韜不直一文錢，穰苴終作灌園漢。  
稻黍不收收莠蕘，勉將方口救窮賤。  
古紙烟黃書一通，赤日方街磨太鏡。  
滲波尺沫濡枯魚，十年不識孔方面。  
記得

魁梧美少年手把牙籤頌書傳花前月下幾吟  
哦顛書自掃白團扇高冠大袖走文場身經夭  
小百餘戰幾年面上堆紫烟直腰曲背走鄉縣  
家園賣盡子依人不及西家老曹掾身官磨蝎  
命驛馬五行勞碌君自見詩能窮人窮者工瘦  
骨寒郊無飽頓新詩字字挂人口不與妻兒充  
饑餓如今貴者不讀書腹中猶如酒食店自來  
好語出饑腸一字堪酬五十綿我亦辭官作乞  
兒他時同入歌妓院

寄小修

鄉園是處有花芳不敵深山老墓香十載交游  
墳上國一朝文字榜都堂玉因剛足多酬價  
到飛身始驗方社曲城南饒古寺休繙名姓語  
支郎

徐景鳳元輝參訂

門人袁叔度無涯初校

吳士冠相如手書